

33850
共 24册



舉業古今類腴序

類腴王麟洲先生著也何言



類腴者類之弗腴者弗類

也何言乎類也君與君類臣

與臣類道德禮樂道德禮樂

類細而至于器用藝術器用

藝術類譬之開萬鎰之肆者
圭璋琮璧錦繡紈綺陶冶梓
匠諸器械種種色色排布羅
列各有定位以俟夫需圭璋
者以圭璋應需琮璧者以琮
璧應需陶冶梓匠諸器械者

以陶冶梓匠諸器械應需者
踊躍歡喜若出天授而主人
無言焉知言之無復加也曰
然獨以舉業言何也曰今
天子懸正鵠以辟天下士舉業
其篙矢也是書一出人人得

游于矍圃之殼中雖然今之
業舉子者弁髦六經尸祝諸
子矣著書者宜專陳之以唐
虞之所以善美明良之所以
喜起有邦之所以亮采有家
之所以浚明五德九德之所

以咸備不宜以諸子之說瀆
告之也曰斯著書者不得已
之心也著書者欲令士以反
經而無奪乎不忍舍之意故
六經主之繼諸子而羽翼之
令讀者踴躍喜曰著書先生

教我以反經而諸子之好莫
吾奪也蓋以信諸子者信六
經則諸子而六經矣嗟夫今
之舉子非典謨訓誥之遺乎
唐虞去太古未遠方闢天造
于草昧奚言乎六經乃其文

越千萬年撐扶宇宙而常新
今六經與百家言充塞宇宙
矣乃名先生又相繼起總統
乎千聖之精微羅絡乎百氏
之異同搜揚剪截攬撫敲結
集

昭代之大成裕華林之采擇士
之生于其時亦幸矣然或智
者寄聰明于故紙而不能運
獨至之意怠者寄大洋于測
蠡而不復窺唐虞三代之全
經則類書者之意荒矣

萬曆辛卯仲冬穀旦

賜進士第奉政大夫福建提刑
按察司分守福寧道兵備僉
事前

南京戶科給事中晉陵吳之
鵬撰



太末舒氏石泉
梓於集賢書舍



古今類腴目錄

共十八卷

元

君道類

聖學
一卷

聖德

敬天

法祖

勤政

仁民
二卷

事神

古今類腴

目錄

任相

馭將

親賢

去讒 三卷

納諫

崇儒

睦親

如 徽

節儉 四卷

詔令

創守

文武

建儲

朝巡聘享

享 臣道類

相體 五卷

六卿

進諫

勸講

侍從

守令

史官

文武

為學類

希聖

稽古

六卷

求師

取友

虛心

謹言

慎行

義利

七卷

闢邪

窒慾

改過

慎獨

循序

誠偽

教誨

道德類

心八卷

性

命

仁

義

禮

智

信

神

幾

容儀

九卷

剛毅

正直

識見

寬厚

謙抑

誠實 十卷

廉靜

謀斷

節儉

出處

應變

利

為治類

紀綱 十一卷

風俗

賞罰

學校

教化

禮

樂

刑 十二卷

兵

工

虞

觀人

用人

農桑

賦役
十三卷

理財

備荒

養老

曆法

宥過

馭夷

城守

貞
造化類

天文
十四卷

地理

鬼神

祥瑞

災異

卜筮

人倫類

君臣
十五卷

父子

兄弟

夫婦

朋友

人事類

冠
十六卷

婚

喪

祭

邪正

禍福

交際

器用

宮室

飲食

品物類

異端 十七卷

外夷

藝術

鳥獸

草木

歷代人物類

三皇 十八卷

五帝

三王

五霸

古今名臣

古今類腋目錄終

古今類腋

目錄

新選古今類腋卷之一



君道類一 聖學 聖德 敬天 法祖 勤政

聖學

乾象曰。天行健。君子以自強不息。○大畜象曰。天在山中。君子以多識前言往行。以畜其德。○益象曰。益動而巽。日進無疆。

大禹謨曰。人心惟危。道心惟微。惟精惟一。允執厥中。

咸有一德曰。德無常師。主善為師。善無常主。協於克。

一。○說命曰。惟學遜志。務時敏。厥脩乃來。允懷於茲。

道積於厥躬。惟敦學半。念終始典于學。厥德脩罔覺。

○旅獒曰召公戒武王不矜細行。終累大德。為山九仞。功虧一簣。

大雅思齊曰詩文王不顯亦臨。無射亦保。不聞亦式。不諫亦

入。○抑曰。無競惟人。四方其訓之。能盡人道 四方為訓○質爾

人民。謹爾侯度。用戒不虞。○視爾友君子。輯柔爾顏。

不遐有愆。○辟為爾德。俾臧俾嘉。淑慎爾止。不愆于

儀。不僭不賊。鮮不為則。○溫溫恭人。惟德之基。○昊

天孔昭。我生靡樂。視爾夢夢。不我明我心慘慘。憂也 衛武公作此使

人日誦 以自警○桑柔曰。惟此惠理順君。民人所瞻。秉心宣猶。

徯考慎其相。相平聲 求輔也○周頌閔予曰。維予小子。夙夜

敬止。於乎皇王。繼予思不忘。○敬之曰。日就月將。進

學有緝熙于光明。佛弼時仔茲有。任也示我顯德行。

表記曰。君子莊敬日強。安肆日偷。君子不以一日使

其躬儻焉。如不終日。○學記曰。發慮憲。求善良。足以

諛聞。不足以動衆。就賢體遠。足以動衆。未足以化民。

君子如欲化民成俗。其必由學乎。玉不琢不成器。人

不學不知道。古之王者。建國君民。教學為先。雖有嘉

肴。弗食。不知其旨也。雖有至道。弗學。不知其美也。是

故學然後知不足。○君之所不臣於其臣者二。當其
為尸則弗臣也。當其為師則弗臣也。大學之禮。雖詔
于天子。無北面。所以尊師也。諛聞音
小問
大戴禮曰。武王踐阼。師尚父而問焉。曰。黃帝顓頊之
道存乎。意亦忽不可得見歟。師尚父曰。在丹書。王欲
聞之。則齋矣。王齋三日。王端冕。師尚父亦端冕。奉書
而入。負屏而立。王下堂南面而立。師尚父西面而道
書之言曰。敬勝怠者吉。怠勝敬者滅。義勝欲者從。欲
勝義者凶。凡事不彊則枉。弗敬則不正。枉者滅廢。敬

者萬世。聞書之言。惕若恐懼而為戒。書于席之四端。
銘曰。安樂必敬。無行可悔。一反一側。亦不可不志。殷
監不遠。視爾所代。几銘曰。皇皇惟敬。口口生敬。口口生
咥。口口戕。口口鑑。銘曰。見爾前慮。爾後盤。銘曰。與其溺于
人也。寧溺于淵。溺于淵。猶可游也。溺于人。不可救也。
楹銘曰。毋曰胡殘。其禍將然。毋曰胡害。其禍將大。毋
曰胡傷。其禍將長。牖銘曰。隨天之時。以地之財。敬祀
皇天。敬以先時。劔銘曰。帶之以為服。動必行德。行德
則興。倍德則崩。

荀子曰。堯學於君疇。舜學于務成昭。禹學于西王國。揚子曰。學者審其是而已矣。視日月而知衆星之篋也。仰聖人而知衆說之小也。學之為王者事。其已久矣。堯舜禹湯文武汲汲。仲尼皇皇。其已久矣。學以治之。思以精之。朋友以磨之。名譽以崇之。不倦以終之。可謂好學也已矣。

魏文帝詔曰。君子思心。無斯須遠道焉。常慮所以累德者。而去之。則德明矣。開心所以為塞者。而通之。則心夷矣。慎行所以為尤者。而修之。則行全矣。

魏略志曰。龍淵大阿。出昆吾之金。和氏之璧。由井里之田。礪之以砥礪。錯之以他山。故能致連城之價。為命世之寶。學亦人之砥礪也。

晉司馬師訓高貴鄉公曰。荆山之璞。雖美。不琢不成。其寶。顏冉之才。雖茂。不學不弘。其量。仰觀黃軒五代之主。莫不有所稟。則顓頊受學於綠圖。高辛問道於栢招。逮至周成。旦望作輔。故能離經辨志。離經明安道樂業。

後魏裴延雋曰。有堯文思。欽明稽古。媯舜體道。慎典

作聖。漢光神睿。軍中讀書。魏武英規。馬上翫籍。
宋曾公亮曰。有虞聖之智而好問。躬大禹之聖而克
勤。天下和平。民物安樂。而猶垂心積精。以求治要。
宋葉味道曰。聖主之學。天下之福也。必堅志氣。以守
所學。謹幾微。以驗所學。正綱常。以勵所學。用忠言。以
充所學。

程子曰。人主當防未萌之歆。○君道稽古正學。明善
惡之歸。辨忠邪之分。曉然趨道之至正。君志定。而天
下之治成矣。夫義理不先定。則多聽而易惑。志意不

先定。則守善而或移。必也以聖人之訓為先當從。以
先王之治為必可法。不為後世駁雜之政所牽滯。不
為流俗因循之論所遷改。信道極於篤。自知極於明。
去邪勿疑。任賢勿貳。必期致治如三代之隆。而後已
也。然患常生於忽微。而志亦戒乎漸習。故古之人君。
雖從容燕閑。必有誦訓箴諫。左右前後。罔匪正人。輔
成德業。誠能尊禮老成。訪求儒學之士。不必勞以官
職。俾日親便坐。又博延俊彥。陪侍法從。朝夕延見。講
磨治體。則睿智益明。王猷允塞矣。漸音煎

朱子曰。天子至尊無上。其居處則內有六寢六宮。外有三朝五門。其嬪御侍衛飲食衣服貨賄之官。皆領於冢宰。其冕弁車旗宗祝巫史卜筮瞽侑之官。皆領於宗伯。有師以道之教訓。有傅以傳其德義。有保以保其身體。有師氏以媿詔之。有保氏以諫其惡。前有凝。後有丞。左有輔。右有弼。其侍御僕從。罔匪正人。以旦夕承弼厥辟。出入起居。罔有不欽。黜號施令。罔有不威。在輿有旅賁之規。位宁有官師之典。倚几有訓誦之諫。居寢有瞽音薛御之箴。臨事有瞽史之道。安居

有工師之誦。史為書。瞽為詩。工誦箴。諫大夫規。誨士傳言。庶人諉。商旅于市。百工獻藝。動則左史書之。言則右史書之。御瞽幾聲之上下。不幸而至於有過。則又有爭臣七人。面折廷爭。以正其撝之。蓋所以養之之備。至於如此。是以恭已南面。中心無為。以守至正。而貌之恭。足以作肅。言之從。足以作謀。思之睿。足以作聖。然後能以八柄馭群臣。八統馭萬民。而賞無不慶。刑無不威。遠無不至。邇無不服。○講學正心之要。○人主當務聰明之實。而不可求聰明之名。信任大臣。

古今類用 卷一
日與圖事。反覆辨論以求至當之歸。此聰明之實也。偏聽左右。輕信其言。此聰明之名也。務其實者。今雖未明。必通悟。務其名者。或一時可以竦動觀聽。然中實未明。愈久而愈暗矣。○講學所以明理。而導之於前。定計所以養氣。而督之於後。任賢所以脩政。而經緯乎其中。天下之事。無出乎此者矣。○所謂學者。又有邪正之別焉。味聖賢之言。以求義理之當。察古今之變。以驗得失之幾。而必反之身。以踐其實者。學之正也。涉獵記誦。而以雜博相高。割裂裝綴。而以華靡相勝。反之身。則無實。措之行。則無當者。學之邪也。學之正。而心有不正者。鮮矣。學之邪。而心有不邪者。亦鮮矣。

胡武夷曰。明君以務學為急。聖學以正心為要。若夫分章析句。牽制文義。無益於心術者。非帝王之學也。真西山曰。惟學可以養此心。惟敬可以存此心。惟親近君子。可以維持此心。三者交致其力。則聖心湛然。如日之明。如水之清。義理為主。而物欲不能奪矣。吳詠對寧宗曰。人主母以旨酒。違善言。毋以嬖佞嫉

莊士毋以靡曼之色伐天性。防微杜漸。端本澄源。使君身之自立者。先有其地。然後移所留之聰明。以經世務。移所舍之精神。以強國政。移所用之心力。以恤罷民。移所省之浮費。以犒邊餉。斯足以建治安之策矣。

蔣重珍對孝宗曰。人主所當知者。本心外物。二者之界限明。則知有天下之治亂而已。何樂乎其尊。知有生民之休戚而已。何樂乎其奉。

聖德

明夷曰君子以莅衆用晦而明。○泰曰載成天地之道輔相天地之宜。○豫曰天地以順動故日月不過而四時不忒。○聖人以順動則刑罰清而民服。○賁曰觀乎天文以察時變。○觀乎人文以化成天下。○易曰君子以正位凝命。

乾文言曰。君子體仁足以長人。嘉會足以合禮。利物足以和義。貞固足以幹事。○夫大人者。與天地合其德。與日月合其明。與四時合其序。與鬼神合其吉凶。先天而天弗違。後天而奉天時。天且弗違。而况於人乎。况於鬼神乎。○坤文言曰。君子黃中通理。正位居體。美在其中。而暢於四肢。發於事業。美之至也。○觀彖曰。大觀在上。順而巽。中正以觀天下。○大畜彖曰。剛健篤實。輝光日新其德。○離象曰。明兩作。大人以繼明照于四方。○蒙象曰。山下出泉。君子以果行育。

德。○升象曰。地中生木。升。君子以順德。積小以高大。
○鼎彖曰。巽而耳目聰明。○履彖曰。剛中正。履帝位
而不疚。光明也。○係辭曰。夫易。聖人所以崇德而廣
業也。知崇禮卑。崇效天。卑法地。○祐者。助也。天之所
助者。順也。人之所助者。信也。履信思乎順。又以尚賢
也。是以自天祐之。吉無不利也。○君子安其身而後
動。易其心而後語。定其交而後求。君子脩此三者。故
全也。危以動。則民不與也。懼以語。則民不應也。無交
而求。則民不與也。莫之與。則傷之者至矣。易曰。莫益

之。或擊之。立心勿恒凶。○與天地相似。故不違。知周
乎萬物而道濟天下。故不過。旁行而不流。樂天知命。
故不憂。安土敦乎仁。故能愛。○履德之基也。謙德之
柄也。復德之本也。恒德之固也。損德之脩也。益德之
裕也。困德之辨也。井德之地也。巽德之制也。○夫乾。
天下之至健也。德行恒易以知儉。夫坤。天下之至順
也。德行恒簡以知阻。能說諸心。能研諸慮。定天下之
吉凶。成天下之亹亹者。○聖人南面而聽天下。嚮明
而治。

大禹謨曰文命敷于四海。禹貢曰聲教訖於四海。湯誥曰俾予一人翦寧爾邦家。太甲曰子惠困窮民服厥命罔有不悅。咸有一德曰非天私我有商惟天佑于一德非商亦于下民惟民歸於德。泰誓曰夏桀明作元后。作民父母。罔契曰不作無益官者益功乃成不貴異物賤用物民乃足。

不室遠物則遠人格。所室惟賢則遠人安。無逸曰嚴恭寅畏天命自度治民祇懼不敢荒寧。後桑柔恭。周官曰作德心逸曰休作傷心勞曰拙。君陳曰黍稷非馨明德惟馨。呂刑曰德威惟畏德明惟明。昭弁于上敷聞在下。

堯典曰欽明文思安安。允恭克讓。光被四表。格於上下。○舜典粵稽古帝舜曰重華協於帝。濬哲文明。溫恭允塞。玄德升聞。乃命以位。○大禹謨曰帝德廣運。乃聖乃神。乃武乃文。○帝德罔愆。臨下以簡。御衆以寬。○克勤於邦。克儉於家。○仲虺誥曰。惟天生民有欲。無主乃亂。惟天生聰明時乂。有夏昏德。民墜塗炭。天乃錫王智勇。表正萬邦。纘禹舊服。茲率厥典。奉若天命。夏王有罪。矯誣上天。以布命于下。帝用不威。式商受命。用交厥師。惟王不邇聲色。不殖貨利。德懋懋

官功懋懋。賞用人惟已。改過不吝。克寬克仁。彰信兆民。攸徂之民。室家相慶。爽明也。攸徂時至也。○德日新。萬邦惟懷。志自滿。九族乃離。王懋昭大德。建中於民。以義制事。以禮制心。○伊訓曰。王布昭聖武。代虐以寬。兆民允懷。今王嗣厥德。罔不在初。立愛惟親。立敬惟長。始于家邦。終於四海。○爾惟德罔小。萬邦惟慶。爾惟不德罔大。墜厥宗。○居上克明。為下克忠。與人不求備。檢身若不及。○太甲曰。奉先思孝。接下思恭。視遠惟明。聽德惟聰。○咸有一德。曰德惟一。動罔不吉。德二

大禹謨 卷一

稷文王於緝熙
敬止。雖在宮
肅。在廟不燕
臨無射。二保。不
聞。六式。不諫。亦
入。討。謀。定。

命遠猷。夜告。
不。是。惟。德。百。辟。其
刑。之。帝。謂。文
王。予。懷。明。德。不
大。声。以。色。不。長
夏。以。革。不。滅。不
知。順。帝。之。則。

君人者。將昭德
塞違。以昭臨百
官。猶懼或失之。
故昭令德。以示子
孫。

三。動。罔。不。凶。○泰誓曰。唯我文考。若日月之照臨。光
於四方。顯於西土。○旅獒曰。人不易物。惟德其物。德
盛不狎侮。狎侮君子。罔以盡人心。狎侮小人。罔以盡
其力。不役耳目。百度惟貞。玩人喪德。玩物喪志。志以
道寧。言以道接。○君陳曰。必有忍。其乃有濟。有容德
乃大。○畢命曰。不剛不柔。厥德允脩。

大雅皇矣。頌王季曰。帝度其心。貊其德音。其德克明。
克明克類。克長克君。王此大邦。克順克比。既受帝祉。
施于孫子。○無然畔援。無然欣羨。誕先登於岸。指文

大雅假樂曰。穆穆皇皇。宜君宜王。威儀抑抑。德音
秩。無怨無惡。率由羣匹。受福無疆。四方之綱。之綱之
紀。燕及朋友。百辟鄉士。媚于天子。不懈于位。民之攸
暨。暨安也。此也。○大雅卷阿曰。顛顛卬卬。如圭如璋。令聞

令望。豈弟君子。四方為綱。○周頌雝曰。宣哲維人。文
武維后。燕及皇天。克昌厥後。成。鱗。對。魏。子。

左傳曰。慎德而度。德不失民。度不失事。民親而事有
序。○心能制義曰度。德正應和曰莫。照臨四方曰明。
勤施無私曰類。教誨不倦曰長。賞慶刑威曰君。慈和

五。公。頃。東。八。卷。一。

德厚者流矣。德薄者流卑。

徧服曰順。擇而從之曰比。經天緯地曰文。九德不愆。作事無悔。故襲天祿。子孫賴之。

孔子閒居曰。天無私覆。地無私載。日月無私照。奉斯三者以勞天下。此之謂三無私。禮運曰。聖王參于天地。並于鬼神。以治政也。天生時而地生財。人其父。生而師教之。四者君以正用之。故君者立于無過之地也。故君者。所明則音也。非明人者也。君者所養也。非養人者也。君者所事也。非事人者也。故君明人則有過。養人則不足。事人則失位。故百姓則君以自治也。

宗祝在廟三公。在朝三公在學。王前巫而後史。卜筮筮有。皆在左右。王中心無為也。以守至正。人情者。至王之田也。修祀以耕之。陳義以種之。講學以耨之。本仁以聚之。播樂以安之。燕處則聽雅頌之音。行步則有環佩之音。升車則有鸞和之音。居廟者祀進退有度。百

養君以自安也。事君以自顯也。天子以德為車。以樂為御。聖人以天地為本。以陰陽為端。以四時為柄。以日星為紀。月以為量。鬼神以為徒。五行以為質。禮義以為器。人情以為田。四時以為畜。經解曰。天子者。與天地參。故德配天地。兼利萬物。與日月並明。明照四海。而不遺微小。表記曰。君子不失足于人。不失色于人。是故君子貌足畏也。色足憚也。言足信也。君子慎以辟禍。恭以遠耻。無辭不相接也。無禮不相見也。欲民之無相褻也。君子議道自己。而置民

司馬相如難蜀曰。上咸五。下登三。

平準書曰。五帝之教。不相復而治。禹湯之法。不同道而王。所由殊路而建德一也。

淳于髡告鄒忌子曰。得全者全昌。失全者全亡。

封禪書曰。仁育羣生。義征不悖。諸夏樂貢。百蠻執贄。

德侔往初。功無與二。

也。德順。

秦瑯琊頌德曰。皇帝之功。勤勞本事。上農除末。黔首

是富。普天之下。搏

古專字。

心揖

音集。

志舉措必當。莫不如

畫。皇帝之明。臨察四方。尊卑貴賤。不踰次行。姦邪不

容。皆務貞良。細大盡力。莫敢怠荒。皇帝之士。西涉流

沙。南盡牝戶。東有東海。北過大夏。人迹所至。無不臣

者。功蓋五帝。澤及牛馬。莫不受德。各安其宇。

董仲舒策曰。為人君者。正心以正朝廷。正朝廷以正

百官。正百官以正萬民。正萬民以正四方。四方正。遠

近莫敢不一於正。而亡有邪氣。奸其間者。是以陰陽

調而風雨時。羣生和而萬民殖。五穀熟而草木茂。天

地之間被潤澤。而大豐美。四海之內。聞盛德而皆侏

臣。諸福之物。可致之祥。莫不畢至。而王道終矣。

漢丁鴻疏帝曰。天不可以不剛。不剛則三光不明。王不可以不強。不強則宰牧從橫。

陳崇頌王莽曰。配天之主。慮則移氣。言則動物。施則成化。

谷永頌陳湯功曰。記人之功。忘人之過。宜為君者也。晉皇甫謐釋勸曰。聖帝之創化也。參德乎三皇。齊風。少虞夏。歆溫溫而和暢。不歆察察而明切也。歆混混。若玄流。不歆蕩蕩而名發也。歆索索而條解。不歆契契而繩結也。歆芒芒而無垠際。不歆區區而分別也。

歆闇然而內章。不歆示白若冰雪也。歆醇醇而任德。不歆瑣瑣而執法也。故曰。一明一昧。得道之槩。一弛一張。合禮之方。一浮一沉。兼得其真。

宋鮑照頌德曰。勢之所覃者淺。則美之所傳者近。道之所感者深。則慶之所流者遠。是以豐功建命。潤色勝策。盛德形容。藻被歌頌。

明帝詔曰。日月所照。梯山航海。風雨所均。削任襲帶。范泰表曰。理出羣心。澤謠民口。

隋袁克表曰。握綠圖而馭黔首。提萬善而化八紘。

猶紘

也

梁王僧辯表曰。星回日薄。擊雷鞭電者之謂天。嶽立川流。吐霧蒸雲者之謂地。苞天地之混成。洞陰陽之不測。而以義成萬物者。其在聖人乎。

陳書載魏徵曰。遐觀列辟。纂武嗣興。其始也皆欲齊明日月。合德天地。高視五帝。俯眺三王。然而靡有不初。克終蓋寡。其故何哉。茲以中庸之才。懷可移之性。口存於仁義。心怵於嗜慾。仁義利物而道遠。嗜慾遂性而便身。便身不可久。違道遠難以固志。佞諂之倫。

承顏候色。因其所好。以悅導之。若下坂以走丸。譬順流而決壅。非夫感靈辰象。降生明德。孰能遺其所樂。而以百姓為心哉。

後魏王儀書曰。宸極居中。則列宿齊其軌。帝王順天。則群后仰其度。

律曆志司馬子如書曰。當辟膺符。天橫協兆。當壁楚

公。子。未。知。所。立。密。與。巴。姬。埋。壁。於。太。室。之。庭。曰。當。辟。者。立。之。帝。王。考。之。靈。五。肘。加。鳥。平。主。方。幼。抱。而。入。再。

拜。壓。經。天。橫。龜。兆。也。乘機虎變。撫運龍飛。包括九隅。牢籠萬寓。

四海來王。百靈受職。

齊備古大室歲
曰如衡如石不定
物以限物之變
者輕重自見如
水如鏡不示物以
情物之鑑者妍
難自生勿厚而
濁勿皎而清
勿及而闇勿察
察而明雖易視
蔽目而視於未
形雖難信塞
耳而聽于無聲

後周蘓綽曰。人君之身。乃百姓之表。一國之的也。表
不正。不可求直影。的不明。不可責射中。今君身不能
自治。而望治百姓。是由曲表而求直影也。君行不能
自脩。而欲百姓脩行者。是猶無的而責射中也。
黎季明疏曰。寬大所以兼覆。慈愛所以懷衆。故天地
稱其高厚者。萬物得其容養焉。四時著其寒暑者。庶
類資其忠信焉。是以帝王者。寬大象天地。忠信則四
時招搖。東指。天下識其春。人君布德。率土懷其惠。
唐陸贄曰。古之人君。德合於天曰皇。合於地曰帝。合

於人曰王。父天母地以養人。治物得其宜者曰天子。
五代張薦明曰。道也者。妙萬物而為言。得其極者。尸
君。衽席之間。可以治天地也。

宋周子曰。天道行而萬物順。聖德脩而萬民化。大順
大化。莫知其然之謂神。故天下之衆。本在一人。
邵子曰。夫物之物者。至物之謂也。人之人者。至人之
謂也。以一至物而當一至人。則非聖人而何。人謂之
不聖。則吾不信也。何哉。謂其能以一心觀萬心。一身
觀萬身。一物觀萬物。一世觀萬世者焉。又謂其能以

心代天意。口代天言。手代天工。身代天事者。爲。又謂其能以上識天時。下盡地理。中盡物情。通照人事者。爲。又謂其能彌綸天地。出入造化。進退今古。表裏人物者。爲。○昔者孔子語堯舜。則曰垂衣裳而天下治。語湯武。則曰順乎天而應乎人。斯言可以該古今。帝王受命之理也。堯禪舜。以德。舜禪禹。以功。以德。帝也。以功。亦帝也。然而德下一等。則入於功矣。湯伐桀。以放。武伐紂。以殺。以放。王也。以殺。亦王也。然而放下一等。則入於殺矣。是知時有消長。事有因革。前聖後聖。

非出於一塗哉。

程子曰。爲宗社生靈長久之計。惟是輔養君德。而輔養之道。非徒涉書史覽古今而已。要使跬步不離正人。乃可涵養薰陶。成就聖德。

范華陽曰。人君動必有所畏。此盛德也。不然。以一人肆於民上。則無所不至矣。

羅豫章曰。仁義者。人主之術也。一於仁。天下愛之。而不知畏。一於義。天下畏之。而不知愛。三代之主。仁義兼隆。所以享國至於長久。自漢以來。或得其偏。如漢

此後子曰曰下之言
其其方為善如水
必必必必必必必
必必必必必必必
必必必必必必必
必必必必必必必

垂拱當康則八
休共贊負圖正
位則九域同歸
善為水者引
之使平善化人
者極之使靜
堯步舜趨禹馳
湯驟。揚無私
之鏡以照六合
倚無私之衡
以秤九有

文帝過於仁。宣帝過於義。夫仁可過也。義不可過也。
真西山曰。先聖贊易。於乾曰。君子以自強不息。謂其
體天之剛健也。於坤曰。君子以厚德載物。謂其法地
之博厚也。不體乎乾。無以宰萬物。不法乎坤。無以容
萬物。

高皇語學士朱善曰。萬事不可以耳目察。惟虛心以
應之。萬方不可以智力服。惟誠心以待之。○高廟
曰。嘗聞寬則得之。未聞以寬失也。故步急則躓。弦急
則絕。民急則亂。居上之道。正當用寬。元季君臣。航於

逸樂。循至淪亡。其失在於縱弛。實非寬也。聖王之道。
寬而有制。不以廢棄為寬。簡而有節。不以慢易為簡。
施之適中。則無弊矣。○高廟論漢明帝曰。人主不
以獨見為明。而以兼聽為明。通於人情。察於是非。則
聰明得其正矣。若屑屑於細故。則未免苛察。上苛察
則下急迫。反有累於聰明也。

王子充曰。人之於物。最為全靈。聖之於人。尤稱拔萃。
是以陰陽至妙。而聖人之能運陰陽。天地至大。而聖
人之能位天地。道有隆污。惟聖人易汙而為隆。世有

治亂。惟聖人反亂而為治。

敬天

鼎象曰。君子以正位凝命。○震象曰。震驚百里。驚遠而懼邇也。死喪七鬯。出可以守宗廟社稷為祭主也。

○象曰。君子以恐懼修省。

虞書曰。勅天之命。惟時惟幾。○天聰明自我民聰明。

天明明畏自我民明畏。達于上下。敬哉有土。○湯誥曰。

天命弗僭。賁若草木。兆民允殖。俾予一人。輯寧爾邦。

家。茲朕未知。獲戾於上下。慄慄危懼。若將隕於深淵。

凡我造邦。無從匪彝。無即怛淫。各守爾典。以承天休。

○仲虺誥曰。欽崇天道。永保天命。○太甲曰。先王顧

謨天之明命。以承上下神祇。社稷宗廟。罔不祗肅。○

唯天無親。克敬惟親。○咸有一德曰。天難諶。命靡常。

常厥德。保厥位。厥德靡常。九有以亡。惟尹躬暨湯。咸

有一德。克享天心。受天明命。以有九有之師。非天私

我有商。惟天祐于一德。○說命曰。惟天聰明。惟聖時

憲。○秦誓曰。惟天地萬物父母。惟人萬物之靈。亶聰

明作元后。元后作民父母。今商王受弗敬上天。降災

下民沈湎冒色。敢行暴虐。罪人以族。官人以世。惟宮
室臺榭陂池侈服。焚炙忠良。剗剔孕婦。皇天震怒。命
我文考。肅將天威。大勲未集。肆余小子。觀政于商。惟
受罔有悛心。○惟天惠民。惟辟奉天。有夏桀弗克。若
天流毒下國。天乃佑命成湯。降黜夏命。惟受罪浮于
桀。剝喪元良。賊霄諫輔。謂已有天命。謂敬不足。行謂
祭無益。謂暴無傷。天其以予。乂民朕夢。協朕卜。襲于
衽。梓乃一德一心。立定厥功。惟克永世。○天有顯道。
幽類惟彰。今受狎侮。罔五常。荒怠弗敬。自絕于天。結怨

于民。○無逸曰。嚴恭嚴王中宗寅畏。天命自度。○王敬作所。○
大雅曰。文王陟降。在帝左右。亶亶文王。令聞不已。文
王孫子。本支百世。凡周之士。不顯亦世。○惟此文王。
小心翼翼。昭事上帝。聿懷多福。厥德不回。以受方國。
天監在下。有命既集。○上帝臨汝。無貳爾心。○皇矣
上帝。臨下有赫。監觀四方。求民之莫。莫定也惟此王季。
因心則友。則友其兄。則篤其慶。載錫之光。受祿無喪。
奄有四方。○大雅板曰。敬天之怒。無敢戲豫。敬天之
渝。無敢馳驅。昊天曰明。及爾出王。昊天曰旦。及爾游

行。○周頌曰。敬之敬之。天維顯思。命不易哉。無曰高
高在上。陟降厥士。日監在茲。也。士事也。○昊天有成命。二

成之。成王不敢康。夙夜基命宥密。於緝熙單厥心。

肆其靖之。

基命受命之基也。宥密弘深而靜密也。

○商頌曰。帝命不違。

至于湯齊。聖敬日躋。昭假遲遲。上帝是祗。帝命式于
九圍。○大明曰。明在上。赫在上。天難忱斯。不易維王。
孔子閒居曰。天有四時。春秋冬夏。風雨露雷。無非教
也。地載神氣。神氣風霆。風霆流行。庶物露生。無非教
也。清明在躬。氣志如神。嗜欲將至。有開必先。天降時

雨。山川出雲。

左傳。晉公子及鄭。鄭文公不禮焉。叔詹諫曰。臣聞天

之所啓。人弗及也。晉公子有三焉。男女同姓。其生不

蕃。晉公子。姬出也。而至于會。一也。離外之患。而天不

靖。晉國。殆將啓之。二也。有三士足以上人。而從之。三

也。晉鄭同儕。其過子弟。固將禮焉。况天之所啓。弗聽

及楚。楚子饗之。曰。公子若反晉國。則何以報。不穀對

曰。子女玉帛。則君有之。羽毛齒革。則君地生焉。其波

及晉國者。君之餘也。其何以報。君曰。雖然。何以報我。

對曰。若以君之靈。得及晉國。晉楚治兵。遇於中原。其
辟君三舍。若不獲命。其左執鞭弭。右屬橐鞬。以與君
周旋。子玉請殺之。楚子曰。晉公子廣而儉。文而有禮。
其從者肅而寬。忠而能力。晉侯無親。外內惡之。吾聞
姬姓。唐叔之後。其後衰者也。其將由晉公子乎。天將
興之。誰能廢之。違天必有咎。乃送諸秦。○楚子至
雒。王使王孫滿勞楚子。楚子問鼎之大小。輕重焉。對
曰。在德不在鼎。昔夏之方有德也。遠方圖物。貢金九
牧。鑄鼎象物。百物而為之備。使民知神姦。故民入川
澤山林。不逢不若。螭魅罔兩。莫能逢之。用能協于上
下。以承天休。德之休明。雖小重也。其姦回昏亂。雖大
輕也。天祚明德。有所底止。成王定鼎于郊。廓卜世三
十。卜年七百。天所命也。周德雖衰。天命未改。鼎之輕
重。未可問也。

荀子曰。天行有常。不為堯存。不為桀亡。應之以治則
吉。應之以亂則凶。

漢申屠嘉諫哀帝曰。動民以行。不以言。應天以實。不
以文。下民細微。猶不可欺。况於上天神明。而可欺哉。

唐九齡疏曰。天百神之君。王者所由受命也。自古繼統之聖。必有郊配。蓋敬天命。報所受也。不以德澤未洽。年穀未登。而闕其禮。

劉蕢策曰。謹按春秋。元者氣之始也。春者歲之元也。春秋以元加于歲。以春加于王。明王者當奉若天道。以謹其始也。又舉時以終歲。舉月以終時。春秋雖無事。必書首月以存時。明王者當承天之道。以謹其終也。王者動作始終。必法乎天者。以其運行不息也。宋真宗紀曰。人主懼天而脩德。猶人臣畏法而自新也。

張子曰。天之知物。不以耳目心思。然知之之理。過于耳目心思。天視聽以民。明威以民。故詩書所謂帝天之命。主於民心而已焉。

胡五峯曰。天道至大至正者也。王道至大至正。奉行天道。乃可謂之天之子也。真西山曰。知父母之心者。可以知天心。知人君之道者。可以知天道。蓋父母之於子也。鞠育而撫字之。仁也。鞭朴而告戒之。亦仁也。君之於臣也。爵賞以褒勸。

之仁也。刑罰以聳礪之。亦仁也。天佑民而作之君。其
愛之深。望之切。無異親之於子。君之於臣也。故君德
無愧。則天為之善。而祥瑞生焉。君德有闕。則天示之
譴。而災異形焉。災祥雖異。所以勉其為善一也。天之
愛君如此。為人君者。其可不以天之心為心乎。

吳潛對孝宗曰。以暗室屋漏為尊嚴之區。而必敬必
戒。以恒舞酣歌為亂亡之宅。而不佚不淫。

薛拯曰。勿謂帝德罔愆。而怠於進修。勿以天災代有
而應不以實。政網舉其所未至。德澤布其所未周。誓

